



15. april 2019

UPA 2019/131

### Naqqiut

Siunnersuut imm.131. 14. februar 2019-meersoq taarserpaa  
(Siunnersuuteqartup atia allanngorpoq)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nakorsat namminersortut nakorsiartarfimmik ingerlatsinissaminnut inatsisitigut allatigullu aporfigisinnaasartagaannik Naalakkersuisut UKA2019-mut misissuequllugit peqquneqarnissaannik Inatsisartut aalajangiiffissaattut siunnersuut. Misissuinermilu siunnersuutigineqassaaq aporfiusinnaasut qanoq aaqqinneqarsinnaasersut.**

(Inatsisartuni ilaasortaq Siverth K. Heilmann, Atassut)

### Tunnngavilersuut:

Nakorsassaaleqineq nunatsinni aamma atuuttoq tamatta anigorusullugu oqariartuuteqartarput. Tamatta toqqissisimanarnerusumik nakorsiarsinnaalerusulluta kissaatigisarparput. Peqqinnissaqarfimmullu aningaasartuutigisartakkagut ukiumut 1,4 mia. kruuniusut nunatsinnut annertuupilussuupput. Taamaattorli aamma amerlanerusunik nakorsassaaleqinermut akiuiniarnitsinni aningaasaleerusussuseqaraluarluta naatsorsuutigisinnaavarput aningaasaleeqqinnikkut nakorsassaaleqineq tamakkiisumik aaqqiissutaanavianngitsoq.

Kalaallit nunaqavissullu nakorsanngortartut amerliartuaarmata nuannaarutigaarput. Neriullutalu siunissami amerliartuaarnerat ingerlaannassasoq. Sulili maannangaaq peqqinnissaqarfippit malinnaaniarsarivoq aaqqipallattariaqakkatsinnik. Nakorsammi nunatsinniiginnarnissaannik siunertalimmik aaqqiissuteqarsinnaasariaqarluta. Tamannalu aamma pilertorsinnaavoq naminnorsorlutik nakorsat annertunerusumik periarfissaqalerpata.

Taamaattumik nakorsat namminersorlutik nakorsiartarfiuteqarsinnaanerisa annertunerusumik periarfissaqartinnissaat aaqqiissutaasinnaasutut ammaffigisariaqarparput. Kigutimmi nakorsaat namminersorlutik ingerlataqarsinnaanerisa takutippaat inoqartartoq akileerusuttunik. Ilimagivarput inoqartooq ullaakkut sivisoorujussuarmik sianeqqaaratik misissortikkusuttunik, nakorsiarunillu piffissaqarfigineqarusuttunik. Immaqaluunniit namminneerlutik nakorsarisaminnik sullinneqarusuttunik. Tamannalu oqilisaataalaarsinnaappat ajunngitsumik alloriarnerussaaq.

Nalunngereerparput namminersorlutik nakorsat peqqinnissaqarfiup digitaliusumik systemianut atuisinnaanngitsut, nakorsaatinik innersuussiniarunik pappilissatut taamaallaat



innersuussisinnaagamik. Peqqinnissaqarfittalu pappilissatigut nakorsaatinut innersuussat annertunerusumik tigooraasinnaanani.

Atassummiit kissaatigivarput Naalakkersuisut misissuissasut paasiniaaffigalugillu inatsisitigut allatigullu suut aporfiusarnersut, namminersorlutik nakorsat nammineerlutik ingerlataqalersinnaassappata.

### **Aningaasatigut ingerlatsinikkullu pisortanut kingunerisassai**

Naatsorsuutigineqassaaq misissuineq ukiumik ataatsimik sivisussusilimmi AC fuldmægtigep sulineratut 500.000 kr-mik nalilimmik akeqassasoq. Siunissamilu allannguutaasinnaasussat iliusissatut pilersaarusiap innersuussutaa malillugu aalajangiinerit apeqquataassapput.

### **Namminersortut aningaasarsiornikkut allaffissornikkullu kingunerisassai**

Soqanngilaq.

### **Innuttaasunut aningaasarsiornikkut allaffissornikkullu kingunerisassai**

Soqanngilaq.